



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-519-4/24**
Datum: **14.11.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „Belamionix“ d.o.o. Brčko Distrikt BiH za donošenje Rješenja o vodnoj dozvoli za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima - Poslovna jedinica Plane, Grad Tuzla, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, „Belamionix“ d.o.o. Brčko Distrikt BiH daje se vodna dozvola za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima- Poslovna jedinica Plane, Grad Tuzla, izgrađene na zemljištu označenom kao k.č. broj: 3226/2, 3226/1 i 3227 K.O. Plane (novi premjer), što odgovara k.č. broj 1202, 1202/1, 1202/9 i 1205/2 K.O. Bistarac (stari premjer), Grad Tuzla.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Skladištenje nafte i naftnih derivata vršiti u podzemnim čeličnim dvoplašnim rezervoarima ukupne zapremine $V=120\text{ m}^3$ i rezervoarom za skladištenje TNP zapremine $V=5,0\text{ m}^3$.
 - 2.3. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina nesmetano sakupljaju i odvođe do objekata predviđenih za tretman onečišćenih voda (separatora ulja i masti), a zatim ovako tretirane vode ispuštaju u Mramorski potok.
 - 2.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.5. Prečišćene oborinske onečišćene vode moraju ostati u maksimalno dopuštenim granicama kanalizacije («Službene novine Federacije BiH», broj 26/20, 96/20 i 1/24).
 - 2.6. Objekte čija je svrha odvođenje i prečišćavanje oborinskih onečišćenih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).

- 2.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Belamionix“ d.o.o. Brčko Distrikt BiH, dana 28.10.2024. godine podnijelo je zahtjev za izdavanje vodne dozvole za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima - Poslovna jedinica Plane, Grad Tuzla, izgrađene na zemljištu označenom kao k.č. broj: 3226/2, 3226/1 i 3227 K.O. Plane (novi premjer), što odgovara k.č. broj 1202, 1202/1, 1202/9 i 1205/2 K.O. Bistarac (stari premjer), Grad Tuzla.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra broj: 096-0-RegZ-24-001591 od 21.05.2024. godine izdat od strane Općinskog suda Brčko distrikt BH – ovjerena kopija,
- Potvrda o registraciji #80007306 od 01.06.2006. godine izdata od strane Poreske uprave Distrikt Brčko – ovjerena kopija,
- Uvjerenje o registraciji u Jedinstveni registar obveznika indirektnih poreza, broj:04/1-17-1-UPJR/1-7637-2/12 od 14.02.2013. godine izdato od strane Uprave za indirektno-neizravno oporezivanje Banja Luka - ovjerena kopija
- Rješenje o vodnoj dozvoli, broj:UP-I/25-3-40-519-5/19 od 24.10.2019. godine izdato od strane Agencije za vodno područje rijeke Save, Sarajevo – kopija,
- Izvještaji o monitoringu kvaliteta i kvantiteta otpadnih voda broj:7-283-3290/24 od 17.05.2024. godine urađen od strane TQM d.o.o. Lukavac – kopija,
- Ugovor broj: 867-01/24 od 01.11.2024. godine potpisan sa „Kemeko-BH“ d.o.o. Lukavac – kopija,
- Dokaz o uplaćenju federalnoj upravnoj pristojbi na zahtjev,
- Glavni projekat objekta benzinske pumpe „Dva lava“ d.o.o. Kalesija na lokaciji Plane-MP 1.8 Tuzla, urađen od strane Gradex-Gradačac, novembar 2006. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj:UP-1/21-3-40-519-2/24 od 12.11.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetna benzinska stanica nalazi se pored magistralnog puta Tuzla-Orašje, u mjestu Plane. Objekat benzinske pumpe je prizemni slobodno stojeći objekat, u okviru kojeg se nalaze slijedeći sadržaji: administrativne prostorije sa sanitarnim čvorom, prodajni prostor, magacin, nadstrešnica za agregate za istakanje goriva, separator ulja i masti, manipulativne površine uključujući i parking prostor.
- Skladištenje nafte i naftnih derivata se vrši u podzemnim dvoplašnim čeličnim rezervoarima ukupne zapremine $V=120 \text{ m}^3$ i rezervoarom za skladištenje TNP zapremine $V=5,0 \text{ m}^3$.
- Oborinske onečišćene vode sa predmetne lokacije prikupljaju se putem slivnika sa slivnom rešetkom i internom kanalizacionom mrežom vode do trokomornog separatora nafte i naftnih derivata, a zatim prečišćene ispuštaju putem obodnog kanala u Mramorski potok.
- Oborinske vode sa krova i nadstrešnice se prikupljaju putem olučnih horizontala i vertikalna i odvođe direktno u putni kanal, odnosno Mramorski potok.
- Izvještaj o monitoringu kvaliteta i kvantiteta otpadnih voda, broj:7-283-3290/24maj 2024. godine urađen je od strane TQM d.o.o. Lukavac. U zaključnim razmatranjima predmetnog izvještaja stoji da nisu utvrđeni parametri koji prekoračuju dozvoljene vrijednosti propisane Uredbom, te da shodno tome predmetni ispušt zadovoljava kriterije propisane istom.
- U prethodnom periodu od izdavanja rješenja o vodnoj dozvoli 2019. godine nisu vršene bilo kakve dodatne izgradnje, dogradnje ili izmjene na lokalitetu benzinske stanice tj. stanje je nepromijenjeno.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16)).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva „Belamionix“ d.o.o. Brčko Distrikt BiH Poslovna jedinica Plane, Grad Tuzla izgrađene na zemljištu označenom kao k.č. broj: 3226/2, 3226/1 i 3227 K.O. Plane (novi premjer), ispunio minimum uslova za izdavanje vodne dozvole za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.


Voditelj postupka:

mr Selma Merdan, dipl.inž.geol.

Prilog-Tehnička dokumentacija navedena u obrazloženju rješenja

Po ovlaštenju:

Rukovodilac sektora za izdavanje vodnih akata



Nihad Pezo, dipl.inž.grad.

Dostaviti:

- „Belamionix“ d.o.o.

Cerik b.b. 76204 Cerik- Brčko Distrikt (sa prilogom)

⊗ AVP Sava, ISV-vodna knjiga

- sektor 50

- sektor 40 – arhiva

- oglasna ploča – AVP Sava